

魏

書

十

太祖皇始元年夏六月有星彗于毘頭彗所以
 去穢布新也皇天以黜無道建有德故或馮之
 以昌或繇之以亡自五胡蹂躪生人力正諸夏
 百有餘年莫能建經始之謀而底定其命是秋
 太祖啓冀方之地寔始交夷滌除之有德教之
 音人倫之象焉以勗類長代脩復中朝之舊
 物故將建元立號而天街彗之蓋其祥也先是
 有大黃星出于昴畢之分五十餘日慕容氏太

魏書志三

史丞王先曰當有真人起於燕代之閒大兵鏘
 鏘其鋒不可當冬十一月黃星又見天下莫敵

是歲六月木犯哭星木人君也君有哭
 泣之事是月太后真氏崩至秋晉帝殂

二年六月庚戌月掩金于端門之外戰祥也變
 及南宮是謂朝廷有兵時燕王苻宏容寶已走和
 龍秋九月其弟賀麟復糾合三萬眾寇新市上
 自擊之六敗燕師于義臺悉定河北而晉桓玄

一衛內侮其朝廷日夕戒嚴是歲正月火犯哭星
 有死喪哭泣事

守并城占曰大臣誅十月襄城王顯出死
 正月右軍將軍丑國於冀州誅及皮誅

天興元年八月戊辰示書見曹曾趙代墟也
天之事歲為有國之君晝見者並明而干陽也
天象若曰且有負海君實能自濟其德而行帝
王事是月始正封畿定權量肆禮樂頒官秩十
二月羣臣上尊號正元日遂禋上帝于南郊由
是魏為北帝而晉氏為南帝

元年十月至二年五月月再掩東蕃上相相所
以蕃輔王室而定君臣位天象若曰今下凌上
替而莫之或振將焉用之哉且曰中坐成刑貴

魏志三

一

人奪勢是歲桓玄專殺殷仲堪等制上流之眾

晉室由是遂卑

是歲五月辰星犯軒轅大星上曰女主當
之三年三月至七月月再犯鎮星于牽牛

又犯哭星為兵喪女憂或曰月為疆大之臣鎮所以正綱紀也
是為疆臣有于犯者在吳越既而晉太后李氏死桓玄擅命江
南仍有
舉故云

三年三月有星孛于奎歷閣道至紫微西蕃入
北斗魁犯太陽守循下

輔南宮履帝坐遂由

端門以出奎是封豨剥

所由生也又勢徐州

之次桓玄國焉劉裕興

天象若曰君德之不

建人之無援且有權其

番盜其名器之守而

荐食之者矣又將由其天步席其帝庭而出號
施令焉至四年二月甲寅有大流星衆多西行
歷牛虛危絕漢津貫太微紫微虛危主靜人牽
牛主農政皆負國之陽國也天象若曰黎元喪
其所食失其所係命卒至流亡矣上不能恤又
將播遷以從之其後晉人有孫恩之難而桓玄
踵之三吳連兵荐飢西奔死亡者萬計竟篡晉
主而流之尋陽既又劫之以奔江陵

是歲三月甲子月生齒占

曰有賊臣七月丁卯月犯天關關所以制畿封國也月犯之是為兵起于郊旬十月甲子月又犯東蕃上相占同二年既而桓

魏書志三

三

玄戡金陵殺司馬元顯太傅道子是歲秀容胡師亦聚衆反伏誅

五年四月辛丑月掩辰星在東井月為陰國之

兵辰象戰鬪占曰所直野軍大起戰不勝亡地

家臣死冬十月帝伐秦師于蒙坑大敗之遂舉

乾壁關中大震其上將姚平赴水死

是月戊申月暈左角太史

令晁崇奏角蟲將死上慮牛疫乃命諸將併重焚車丙戌車駕北引牛大疫死者十有八九官車所御巨牯數百同日斃於路側者尾相屬麋鹿亦多死者

五年三月戊子太白犯五諸侯書見經天九月

巳未又犯進賢太白為彊侯之誠犯五諸侯所

以興霸形也是時桓玄擅征伐之柄專殺諸侯以弱其本朝卒以不君之明而代奪之故皇天著誡焉若曰夫進賢興功大司馬之官守也而今自殘之君於何有焉是冬十月客星白若粉絮出自南宮之西十二月入太微亂氣所由也以距之之氣而乘粹陽之天庭適足以驅除焉

介明年竟篡晉室得諸侯而不終

是歲五月丙申月犯太微十月乙卯

又於之月者六陰臣象太微正陽之庭不當橫行其中是謂朝庭間隙疆臣不制亦桓玄之誡也又占曰貴人有坐之者明年七月鎮西大將軍毗陵王順以罪還第亦是也

魏書志三

四

五年七月己亥月犯歲星在鶉火烏帑南國之墟也至天賜元年二月甲辰又掩之在角角爲

外朝而歲星君也天象若曰有疆大之臣下君

之庭以挾其主而播遷于外是歲桓玄之師敗

績于劉裕玄劫晉帝以奔江陵至五月玄死桓

氏之黨復攻江陵陷之凡再劫天子云

先是六年六月甲辰

月掩斗魁第四星至天賜元年五月壬申又掩斗魁第三星二年八月丁巳又犯斗第一星斗爲吳分大人憂將相戮官中有

自賊者及桓玄伏誅貴臣多戮死者江商兵革一餘歲乃定故諱見于斗

天賜二年四月己卯月犯鎮星在東壁七月己

未又知之十月丁巳又掩之在室夫室星所以
造宮廟而鎮司空也占曰土功之事與明年六
月發八部人自五百里內繕脩都城魏於是始
有邑居之制度或曰北宮後庭人主所以庇衛
其身也鎮主后妃之位存亡之基而是時堅冰
之漸著矣故犯又掩再三焉占曰臣賊君邦大
喪是歲三月丁酉月犯心前星三年二月月犯
心後星四年二月又如之心主嫡庶之禮占曰
亂臣犯主儲君失位庶子惡之先是天興六年

魏書卷三十一

三十一

冬十月至元年四月月再掩軒轅占曰有亂易
政后妃執其咎三年五月壬寅熒惑犯氏宿
宮也天戒若曰是時蠱惑人士上而興內亂之萌
矣亦自我天視而脩省焉及六年七月宣穆后
以彊死太子微行人間既而有清河万人之難

二年八月火犯斗丁亥又犯建斗為大人之事建為經綸之始
此天所以建創業者時劉裕且傾晉祚而清河之釁方作矣帝
猶不悟至是歲九月火犯哭星其象若曰將以內亂至于哭泣
之事焉由是言之皇天所以訓劫殺之主熟矣而罕能悔復以

自悟
悲夫

二年八月甲子熒惑犯少微庚寅犯右執法癸

執法十一月丙戌太白掩鈞鈐皆南邦
也火象方伯金為疆侯少微以官賢材而
宮之化執法者威令所由行也天象若曰
夫祿去公室所由來漸矣始則奮其賢材以為
其本朝終以干其鈐鎡而席其威令焉至三年
十二月丙午月掩太白于危危齊分也占曰其
國以戰亡丁未金火皆入羽林四年正月太白
晝見奎是謂或稱王師而干君明者占曰天下
兵起魯邦受之二月癸亥金火土水聚于奎婁

徐魯之分也四神聚謀所以革衰替之政定霸
王之命五月己丑金晝見于參三意若曰是將
自植攻伐以震其主而代奪之云爾八月辛丑
參或犯執法九月遂犯進賢與桓氏同占是時
燕慕容苻氏素有晉魯之墟不務脩德而驟侵
晉進泗六年四月劉裕以晉師伐之大敗燕師
于臨朐進克廣固執慕容超以歸戕諸建康於
是專其威若食藩圃篡奪之形由此而著云

三月月掩左執法三年四月天犯丑蕃上將己未犯房次相六
月火犯房次將三年七月太尉穆崇薨四年誅定陵公和跋

曰大兵在楚執法當之至五年火犯天江占曰水賊作亂六月
金犯上將又犯左執法其後盧循作亂於上流晉將佩無
忌戰死左僕射孟昶仰藥卒劉裕自伐齊奔命僅乃克之

六年六月金火再入太微犯帝座蓬孛客星及
他不可勝記太史上言且有骨肉之禍更政立

君語在帝紀冬十月太祖崩夫前事之感大即
後事之災深故帝之季年妖怪特甚 是歲二月至九月月三犯

昂昂為白之會宮車晏駕之徵也十二月辛丑金犯木於奎占
曰其君有兵死者既而慕容超戮于晉是歲四月火犯水于東
并其冬赫連氏攻安定秦主興自將救之自是侵伐不
息或曰水之合內亂之形也時朱提王悅謀反賜死

太宗永興二年五月己亥月掩昂昂為驪頭之

魏志三

七

兵虜君憂之是月蠕蠕社論圍長孫高于牛川

上自將擊之社論遁走道死 六月甲午太白晝見占
曰為不臣上月月二鬼

占曰亂臣上內明年五月昌
黎王慕容頊見謀反誅之 是歲三月至秋八月日三

掩南斗第五星斗矣分也且曰疆大之臣有干

天祿者大人憂之是月乙未太白犯少微晝見

九月甲寅進犯左執法占曰且有杖其羈刑以

戮社稷之衛而專威令者徵在南朔先是二月

丁卯月掩房次將六月己丑又如之八月甲申

犯心前星占曰服軛者當之君失馭徵在豫州

時劉裕謀弱晉室四年九月專殺僕射譙濟因襲荊州刺史劉毅于江陵夷之明年三月又誅

晉豫州刺史諸葛長人其君託食而已是歲八月壬子太白

犯軒轅大星名曰有亂易政女君憂三年十一月丙午金犯哭星午秦地四年八月戊申月犯哭星申晉地是月晉光汪氏死其後姚主薨

三年六月庚子月犯歲星在畢八月乙未又犯

之在參四年正月又蝕在畢直微垣之陽參在

山河之右歲星所以阜農事安万人也占日月

仍犯之邊萌阻兵而荐飢是歲六明癸巳金木

魏書志三

合于東井七月甲申金犯土于井占曰其國內

兵有白衣之會十一月土犯井十二月癸卯土

犯鉞土主疆理之政存亡之機也是為土地分

裂者戮死之君徵在秦邦至五年二月丙午火

土皆犯井占曰國有兵喪之禍主出走是月壬

辰歲填災惑太白聚于井將以建霸國之命也

其地君子憂小人流又自三年四月至五年三

月癸惑三千鬼主命者將天而國徙焉是時雍

州假王霸之號者六國而赫連氏據朔方之地

尤爲疆暴荐食關中秦人奔命者殆路間歲姚
興薨而難作于內明年劉裕以晉師伐之秦師
連戰敗績執姚泓以歸戕諸建康旣而遺守內
攜長安淪覆焉或曰自上立黨並河山之北皆鬼
星參畢之郊也五年四月上黨群盜外叛六月
渡澤人劉逸自稱三巴王七月河西胡曹龍入
蒲子號大單于十月將軍劉潔魏勤擊吐京叛
胡失利勤力戰死潔爲虜明年赫連屈子寇
蒲子三城諸將擊走之其餘災波及晉魏仍其

魏書志三

九

兵革之禍二年九月土犯畢爲疆場之兵三年七月木犯土

其災同上參外主巴蜀其後晉師伐蜀戮其主譙縱先是四年閏月月犯發惑在昂七月又蝕之五年將軍奚斤討越勤天破之明年禿髮氏降于西秦其君俾檀薨死

神瑞元年二月填入東井犯天尊旱祥也天象
若曰土失其性水源將壅焉施于天尊所以福
矜寡之萌也先是去年九月至于五月歲再犯
軒轅大星八月庚寅至二年三月填再犯鬼積
尸歲星主農事軒轅主雷雨之神返覆由
之所以告黃祇也土爰稼穡穡鬼爲物之精氣是

謂稼穡瘠耗人將以饑而死焉一曰大旱是後
京師比歲霜旱五穀不谷詔人就食山東以粟

帛服之語在崔浩傳光武月犯歲于畢占曰飢在晉代亦其徵又鬼主秦早在秦邦

至二年太史奏災或在魏瓜中一夜忽亡失之後是歲四月

癸丑流星晝見中天西行占曰營頭所首野有

覆軍流血西行謫在秦邦而魏人覲之亦王師

之戒也天若戒魏師曰是擁衆而西固欲干君

之明而代奪之爾姑息人以觀變無庸禦焉先

是五年三月月犯太白于參八月庚申又犯之

魏書志三

十

參魏分野占曰彊侯作難國戰不勝九月己丑

月犯左角是歲三月壬申又蝕之是謂以剛管

之兵合戰而偏將戮徵在兗州二年四月太白

入畢月犯畢而再入之占曰大戰不勝邊將憂

魏邦受之六月己巳有星孛于昴南天象若曰

且有驅除之雄勿用距之于朔方矣明年七月

劉裕以舟師汧河九月裕陷我滑臺兗州刺史

尉建以畏懦斬時崔浩八勿戰上難違衆議詔

司徒高率師逐之又晉人戰于畔城魏師敗績

語在崔浩傳裕既定關中遽歸受禪既而赫連

氏并之遂竊尊號云自元年正月至泰常元年十月

占曰邊兵起貴人有死者元年十二月孺孺犯塞上白將大破之二年上黨胡反詔五將討平之泰常元年長樂河間南

陽王比皆薨二年豫音主又薨常山霍季聚眾反伏誅

二年四月辛巳有星孛于天市五月甲申彗星

出天市掃帝座在房心北市所以建國均人心

宋分也國且殊號人將更主其革而為宋平先

是往歲七月月犯鈞鈴十一月月食房上相至

元年二月又如之天象若曰尚尸鈴鍵之位君

魏志三

十一

憑而尊之者又將及矣是歲八月金木合于翼

占曰且有內兵楚邦受之至泰常二年正月晉

荊州刺史司馬休之雍州刺史魯宗之為劉裕

所襲皆出奔走是歲十月鎮星守太微七十餘

日占曰易代立王其三年三月癸丑太白犯五

諸侯如胡氏之占七月有流星孛于少微以入

太微自劉氏之霸三變少微以加南宮矣始以

方伯專之中則霸形干之又今上字政除之馴而

三積堅冰至焉是月辰星見東方在翼甚明大

翼楚邦也是為冢臣于明賊人其昌未定五年十月

星出而明盛非常至泰常二年十二月庚戌辰星潤時而見光色明盛是為彊巨有不還令者至是又如之亦三至焉或曰辰

星以負北海亦九月長彗星孛于北斗轆此不微辛魏將大典之兆

酉入南宮凡八十餘日十二月彗星出自天津

入太微逕北斗于紫宮犯天樞八十餘日及天

漢乃滅語在崔浩傳是歲晉安帝殂後年而宋

篡之夫晉室雖微泰始之遺俗也蓋皇天有以

原始篤終以哀王道之淪喪故猶著二微之戒

焉神瑞二年四月木入南宮加右執法五月火又如之八月金入自掖門掩左執法泰常元年六月又由掖門入太微

魏志三

十二

五月火犯執法是冬守天尊而月掩之三年八月土又入太微

犯執法內留二百餘日九月金又犯右執法十月火犯上將因

留左掖門內二十日乃逆行四年三月出西蕃又還入之繞填

星成句已四月丙午行端門出皆晉氏之謫也自晉滅之後太

微有變多應魏國也

泰常三年十月辛巳有大流星出昂歷三天津乃

分為二須臾有聲占曰車騎滿野非喪即會明

年四月帝有事于東廟齋服之君以其職來祭

者蓋數百國也是歲正月己酉月犯軒轅四月

壬申又犯填星在張四年五月辰星又犯軒轅

占曰國有喪女君受之明年五月貴人姚氏

是為昭哀皇后六月貴嬪杜氏薨是為密后是
二年九月火犯軒轅三年八月金又犯之占同也

四年自正月至秋七月月行四犯太微天象若
曰太微粹陽之天庭月者臣也今橫行輻之不
已甚乎先是元年五月月歲星在角是歲七月
月又犯歲星明年宋始建國後年而晉主殂裕
鳩之也昔桓氏之難月再干歲星再劫其主至
是亦再犯之而再勦其君極其幽逼之患而濟
以篡殺之禍斯謂之甚矣
先是三年九月月犯火于鶉尾十二月又犯火于

魏書志三

太微是歲五月月犯太白在井十月又犯之在斗且再犯井星皆有兵水大喪諸侯有死者七月臨門河內大水五年三月南陽王意文死十一月西涼李歆為沮渠所滅晉君亦殂秦吳亡之應

五年十一月乙卯熒惑犯填星在角角外朝也
土為紀綱火主內亂會于天門王綱將紊焉占
曰有死君逐主后妃直受之十二月月蝕熒惑在
亢亢內庭也占曰君垂死而亂作于內貴臣以兵
死是月客星見于翼翼禁邦也占曰國更服邊
有急將軍或謀反者六年十二月月食南斗杓星
十月乙酉入土關于亢占曰內兵且喪更立王

之又兖州陳鄭之墟也有攻城野戰之象焉至
十年正月祀南斗三月壬戌又祀之斗為人君
受命又吳分是歲五月宋武殂秋九月魏師侵
宋北鄙十一月攻滑臺克之明年拔虎牢陷金
墉屠許昌遂啓河南之地八年宋太后蕭氏死
既大臣專權遷殺其主卒皆伏誅自五年八月至
七年十二月災
或一守軒轅再犯進賢再犯房星月一犯軒轅及房皆女君大
臣之戒是時陽平河南王太尉穆觀相次薨而宋氏廷臣乘釁
以侮其主竟以誅死云或曰火犯土亢爲飢疾時官
軍臨武牢會軍六疫死者十二三其冬詔稟飢人

魏志三

四

六年六月壬午有大流星出紫宮占曰上且行
幸若有大君之使明年駕幸橋山祠黃帝東過
幽州命使者觀省風俗十月上南征八年春步
自鄴宮遂絕靈昌至東郡觀兵成臯及自河內
登太行山幸高都飲至晉陽焉

七年二月辛巳有星孛于虛危向河津占曰玄
枵所以飾喪紀也宗廟並起司人疑更謀有易
政之象十一月甲寅彗星出室掃北斗及于

門占曰內宮幾室主命將易塞垣有土功之事
其地又齊衛也八年正月彗星出奎南長三丈

東南掃河壑為若今之兵徐方之地占曰西北
之兵伐之君絕嗣天下饑七年十二月帝命壽
光侯叔孫建徇定齊地八年春築長城距五原
二千餘里置守卒以備蠕蠕冬十月大饑土
月己巳上崩于西宮明年宋廢其主由是南邦
日蹙是齊衛之地盡為兵衝及世祖即政遂甚淮
沂以負東海云八年二月丙寅火守斗亦南邦之謫也十
一月彗星孛于土司空司空主疆理邦域
且曰有土功哭泣事後年赫連屈子薨太武征
之取新秦之地由是征伐四克提封萬里云

世祖始光元年正月壬午月犯心大星心為宋

魏書志三

十五

分中星者君也月為大臣主刑事是歲五月宋

權臣徐羨之謝晦傅亮放殺其主而立其弟宜

都王是為宋文帝至十月火犯心天戒若曰是

復作亂以干其君矣十月壬寅大流星出天將

軍西南行殷殷有聲占曰有禁暴之兵上將督

戰以所首名之三年正月歲星食月在張張南

國之分歲之於月少君之象今反食之且誅疆

大之臣是月羨之等戮死謝晦興江陵之甲以

伐其君宋將檀道濟帥師禦之晦又奔潰伏誅

或曰是歲上伐赫連氏入其郭
夏都直伐西南亦奔星應也

二年五月太白晝見經天占曰時謂亂紀革人
更王六月己丑火入羽林守六十餘日占曰禁
兵大起且有反臣之戒

三年十月有流星出西南而東北行光明燭地
有聲如雷鳥獸盡駭占曰所發之野有破國遷
君西南直夏而首于代都焉著而有聲盛怒也
四年五月辛酉金水合于西方占曰兵起大戰
先是三年正月宋人有謝氏之難王卒盡出冬

北魏書志三

二六

十一月上伐赫連昌入其郭徙萬餘家以歸是
歲復攻之六月大敗昌于城下昌奔上邽遂拔
統萬盡收夏器用虜其母弟妻子由是威加四
隣北夷龍言焉

神麈元年五月癸未太白犯天街占曰六夷寔
頭滅二年五月太白晝見占曰大兵且興疆國
有弱者是月上北征蠕蠕大破之虜獲以年萬
計遂降高車以實漠南闊地數千里云

三年六月火犯并鬼入軒轅占曰秦憂兵亂有

死君又早饑之應丙子有大流星出危南入羽
林占曰兵起負海國與王師合戰是歲自三月
至十月太白再犯歲星月又犯之占曰有國之
君或罹兵刑之難者且歲饑十二月丙戌流星
首如甕長二十餘丈大如數十斛船色正赤光
燭人面自天船及河抵奎大星及于壁占曰天
氣以濟兵車奎為徐方東壁衛也是為宋師之
祥昭盛者事大也是歲六月宋將到彥之等侵
魏自南鄙清水入河沂流而西列屯二千餘里

魏書志三

十七

九月帝用崔浩策行幸統萬遂擊赫連定於平
涼十二月克之悉定三秦地明年大師涉河攻
滑臺及是宋人宵遁是時赫連定轉攻西秦戮
其君乞伏慕末吐谷渾慕容瓚又襲擊定虜之
以彊死者再君焉是歲二月定州大饑詔開倉
賑乏或曰奎星羽獵理兵象也流星抵之而著
大是為大人之事冬十月上大閱于漠南甲騎
五十方旌旗二千餘里又明盛之徵

明年五月又犯鬼占曰秦有兵喪而至秦夏山夷
或且果彙遂又死於此也

四年金火入東
井火又犯天戶

四年三月有大流

南行光燭地長六七丈

食頃乃滅後有聲占曰大兵從之是時諸將方
逐中師至歷城不及有聲駭駭之象也四月辛
未太白晝見于胃胃為趙分五月太白犯天關
十月丙辰又掩之天關外主勃碣山河之險窮
焉占曰兵革起九月丙寅有流星大如斗赤色
發太微至北斗而滅太微禮樂之庭且有昭德
之舉而迷宣王命是以帝車受之是月壬申有
詔徵范陽盧玄等三十六人郡國察孝數百

魏書志三

十八

人且命以禮宣喻申其出處之節明年六月上
伐北燕舉燕十餘郡進圍和龍徙豪傑三萬餘

家以歸

四年八月金入太微亦君自將兵象明年正月庚午
火入鬼占曰秦有死君四月己丑太白晝見為不臣

兵後秦王赫連昌
叛走伏誅之應也

延和元年七月有大流星山出參左肩東北入河
外滅參主兵政晉魏墟也山河所首推之大兵
將發于魏以加燕國八月癸未太白犯心三星
乙酉又犯心明堂占曰有亡國近期二年十二
月有流星大如彗尾長二十餘丈奔君之象比

歲連兵東討至太延二年三月燕後主馮文通

去國奔高麗

元年四月月犯左角五月月掩斗七月月食左角皆占曰兵大起其後征西將軍金崖安

定鎮將延晉涇州刺史狄子玉爭權崖及子王舉兵攻晉不克據胡空谷反平西將軍陸侯討獲之

三年三月丙辰金晝見在參魏邦戒也閏月戊

寅金犯五諸侯占曰四滑起官兵起亂疑已丑

月入并犯太白占曰兵起合戰秦邦受之七月

上幸隰城詔諸軍討山胡白龍入西河九月克

之伏誅者數千人而宋大將軍彭城王義康方

擅威福後竟幽廢

是歲二月庚午月犯畢口而出因暈昂及五車古曰貴人死五月甲子陸

魏書志三

十九

平王
末薨

太延元年五月月犯右執法九月火犯太微上

將又犯左執法十月丙午月犯右執法二年二

月月犯東蕃上相三月月及太白俱犯右執法

及上相三年八月火犯左執法及上將五年二

月木逆行犯執法皆大臣謫也元年十月左僕

射安原謀反誅三年正月征東大將軍中山王

纂太尉北平王長孫高鎮南大將軍丹陽王叔

孫建皆薨其後宋大將軍義康坐徙豫章誅其

黨與僕射殷景仁亦尋卒焉

元年五月慧出南門二年正月月犯火月后妃

也三年七月木犯軒轅至五年七月月掩填星並女主謫也真君元年太后竇氏姐宋氏皇后亦終或曰慧出軒轅女主有為寇者其後沮渠失國實公主潛啓魏師

二年五月壬申有星孛于房占曰名山崩有亡

國八月丁亥木入鬼守積尸十一月辛亥又犯

鬼鬼秦分天戒若曰涼君淫奢無度財力窮矣

將喪國身為戮焉

二年正月四年十一月月皆犯井亦為秦有兵刑

三年正月壬午有星晡前晝見東北在井左右

色黃大如橘魏師之應也黃星出于燕墟而慕

天魏書志三

二十

容氏滅今復見東井涼室亡乎四年四月巳酉

華山崩華山西鎮也天又若曰星孛于房既有

徵矣鎮傾而國從之先是元年十二月金犯羽

林二年十二月至四年十一月火再入之五年

五月太白晝見冒昴入羽林遂犯畢畢又邊兵

也六月上自將西征秋八月進圍姑臧九月丙

戌沮渠牧犍帥文武將吏五千餘人面縛來降

明年悉定涼地

或曰星孛于房為大臣之事三饘祥也火地入鬼犯軒轅又稼穡不成自元年已來將

相慶九象至貞君元

四年十月三日戌辰流星出文昌入紫宮聲如雷
天象若曰將相或以全師禦衛帝宮者其事密
近有震驚之象焉明年六月帝西征詔大將軍
黎敬等帥衆二萬屯漠南以備暴寇九月蠕蠕
乘虛犯塞遂至七介山京師大駭司空長孫道
生等并力拒之虜乃退走是月壬午有大流星
出紫微入貫索長六丈餘占曰有大君之命貫
索賤人牢也明年帝命侍臣行郡國觀風俗問
其所疾苦云

眞君二年七月壬寅填星犯鉞鎮者國家所安
危而爲之綱紀者也其嬰鉞之戮而君及焉
自元年十一月至此月歲星三犯房上相歲星
爲人君今反覆由之循省鈎鈐之備也天若戒
輔臣曰涼邦卒滅敵國殫矣而猶挾震主之威
冀百勝之計蓋思盈亢之戒乎是時司徒崔浩
方持國鈞且有寵於上明年突而李順備五刑
之誅而由浩鍛成之後八年竟族滅無後夫天
哀賢良而示以明訓夙矣聖能省躬必先覺豈

不悲哉浩誅之明年卒有景穆之禍後年而亂
作

三年三月癸未月犯太白占曰大兵起合戰九
月乙丑有星孛于夫牢入文昌五車經昴畢之
間至天苑百餘日與宿俱入西方天象若曰且
有王者之兵彗除髦頭之域矣貴臣預有戮焉
明年正月征西將軍皮豹子大敗宋師于樂鄉
九月上北伐樂平王丕統十五將爲左軍中山
王辰統十五將爲右軍上自將中軍蠕蠕可汗

嘉靖十年和

魏書志三

二十三

不敢戰亡追至頓根河虜二萬餘騎而還中山

王辰等八將軍坐後期皆斬

或曰彗由昴畢貴人多死十一月太保盧魯元薨五

年二月樂平王丕薨

六年二月太白熒惑歲星聚于東井占曰三星

合是爲驚立絕行其國內外有兵與喪改立王

公九月盧水胡蓋吳據杏城反僭署百官雄虜

皆響從關內大震十一月將軍叔孫拔敗吳師

于渭北至七年正月太白犯熒惑占曰兵起有

大戰時上討吳黨於河東屠之遂幸長安二月

吳軍敗績于杏城棄馬遁去復收合餘燼八月

乃夷之五年五月月犯心六年四月又如之占曰兵犯宋邦是月太白入軒轅占曰有反臣是冬宋太子詹事范

曄謀反誅詔高涼王那徇淮泗徙其人河北焉

九年正月火水皆入羽林占曰禁兵大起四月

太白晝見經天十年五月彗星出于昴北此天

所以滌除天街而禍髦頭之國也時閒歲討蠕

蠕是秋九月上復自將征之所捕虜凡百餘万

矣是歲七月太白犯哭星占曰天子有哭泣事明年春皇子真薨

十年十月辛巳彗星見于太微占曰兵喪並興

魏書志三

三十一

國亂易政臣賊主至十一年正月甲子太白晝

見經天四月又如之占曰中歲而再于明兵事

尤大且革人更王之應也是歲十月甲辰熒惑

入太微十二月辛未又犯之癸卯又如之占曰

臣將戮主君將惡之仍犯事荐也先是八年正

月庚午月犯心大星九年正月犯歲星是歲九

月太白又犯歲星至正平元年五月彗星見卷

舌入太微卷舌纒言之戒六月辛酉彗星進逼

帝坐七月乙酉犯上相地屏出端門滅于翼軫

辛酉直隕國魏書翼軫為杜人拜于屏者蕭牆之亂也天象若曰夫膚受之誅寔為亂階卒至莠夷主相而專其大號雖南國之君由遷及焉先是去年十月上南征絕河十二月六師涉淮登瓜步山觀兵騎士六十万列屯三千餘里宋人兇懼饋百牢焉是年正月盡舉淮南地俘之以歸所夷滅甚衆六月帝納宗愛之言皇太子以彊死明年二月愛殺帝于永安宮左僕射蘭延等以建議不同見殺愛立吳王余為主尋又賊之

荐災之驗也閒歲宋太子劭坐蠱事泄亦殺其君而僭立劭弟武陵王駿以上流之師討平之

滅於翼軫之徵也

先是七年八月月犯熒惑八月至十一月又犯軒轅是歲正月太白經天九月

火犯太微十月宗愛荒伏誅高宗踐阼至十一月錄尚書元壽尚書令長孫渴侯以爭權賜死太尉勰司徒弼又忤旨左遷字

于屏相之應出明年五月太后崩

高宗興安二年二月有星孛于西方占曰凡孛者非常惡氣所生也內不有大亂外且有兵至興光元年二月有流星大如月西行占曰奔星所墜其野有兵光盛者事大先是京兆三柱元

魏書卷之三
二五
魏書志三
仁相次謀反伏誅是歲宋南郡王義宣及魯爽
臧質以荆豫之師構逆大將王玄謨等西討盡
夷之或曰彗加大微翼軫之餘禍也春秋星之
六變或災連三國之君其流災之所及二十餘
年而後弭至是彗干天庭二太子首亂二君為
戮侯王辜死者幾數十人由此言之皇天疾威
之誠不可不惕也

太安元年六月辛酉有星起河鼓東流有尾跡

魏書志三

二五

光明燭地河鼓為履險之兵負海之象也昭盛
為人君之事星之所往君且從之閏二歲帝幸
遼西登碣石以臨滄海復所過郡國一年又尾

迹之徵

是歲五月火入斗斗五形命之
養其後三吳荐飢仍歲疾疫

二年夏四月熒惑犯太白占曰是謂相鏢不可
舉軍用兵成師以出而禍其雄之家也明年宋
將殷孝祖侵魏南鄙詔征南將軍皮豹子擊之

宋軍大敗

或曰金火合主喪事明年十月金又犯
吳星十二月征東將軍中山王託直薨

三年十一月熒惑犯房鈞鈴星是謂彊臣不御

王者憂之至四年正月月入太微犯西蕃三月
又犯五諸侯占曰諸侯大臣有謀反伏誅者是
月太白犯房月入南斗皆宋分占曰國有變臣
爲亂十一月長星出於奎色白虵行有尾跡旣
滅變爲白雲奎爲徐方又魯分也占曰下有流
血積骨明年宋兗州刺史竟陵王誕據廣陵作
亂宋主親戎自夏涉秋無日不戰及城陷悉屠
之

四年八月熒惑守畢直徼垣之南占曰歲饑至

魏書

魏書志三

二十六

五年二月又入東井占曰旱兵飢疫大臣當之
六月太白犯鉞占曰兵起更正朔是歲二月司
空伊敫薨十二月六鎮雲中高平雍秦飢旱明
年改年爲和平至六月諸將討吐谷渾什寅遂
絕河窮躡之會軍大疫乃還

見歲三月流星數萬西
行占曰小流星百數四

面行者庶人遷之象旣而吐谷
渾舉國西遁大軍又隨躡之

四年九月月犯軒轅十二月犯氐至五年正月
月掩軒轅又掩氐東南星皆后妃之府也和平
元年正月丁未歲犯鬼鬼爲死喪歲星入君也

是為君有喪事言八月掩軒轅四月戊戌皇太

后崩於壽安宮

宋志云人間宣言人主推箔不修故謫見軒轅又五年十一月月犯左執法明年十

一月又犯之占曰大臣古口憂和平二年征東將軍河東王閭毗薨十月八廣平王洛侯薨

和平元年十月有長星出於天倉長文餘饑祥

也二年三月熒惑入鬼是謂稼穡不成且曰万

人相食其後定相阻飢宥其田租時三吳亦仍

歲凶旱死者十二先是元年四月太白犯東

井井鬼皆秦分雍州有兵亂自元年六月月犯

心大星三犯前後于房心宋分時宋君虐其諸

魏志三

二十七

第後宮多喪子女繼天哭泣之聲相再是歲詔

諸將討雍州叛氏大破之宋雍州刺史海陵王

休茂亦稱兵作亂間歲而宋主殂嗣子淫昏政

刑紊焉

先是元年十月太白入氏占口兵起後宮有白衣會三年五月歲日主犯上將占曰上將憂之三年八月月

犯哭星皆宋祥也是歲亦良王萬壽及征東大將軍常山王素並薨

二年三月辛巳有長星出天津色赤長匹餘滅

而復出大小百數天津帝之都船所以渡神通

四方光大且衆為人君之事天象若曰是將有

千乘萬騎之舉而絕逾大川矣是月發卒五千

餘通河西獵道後年八月帝校獵于河西宋主亦大閱舟師巡狩江右云

二年九月太白犯南斗斗吳分占曰君死更政大臣有誅者十一月太白犯填填女君也且曰有內兵白衣會至三年九月火犯積尸占曰貴人憂之斧鉞用十月太白犯歲星歲為人君而以兵喪干之且有死君篡殺之禍是月熒惑守軒轅占曰女主憂之宮中兵亂十一月歲入氐氐為正寢歲為有國之君占曰諸侯王有來入

魏書卷之三

三八

宮者五年二月月入南斗魁中犯第四星占曰大人憂太子傷宮中有自賊者又大赦既而宋孝武及宋后相繼崩殂少主荐誅輔臣釁連戚屬群下相與殺之而立宋明帝江南大饑且仍

有肆眚之令焉

先是三年六月太白犯東井七月火入井四年五月金火皆犯上相五年六月火又

入井占曰大臣憂斧鉞用六年七月月犯心前星是月宋殺少主其後有乙潭之難

五年七月丁未歲星守心心為明堂歲為諸侯為長子入而守之立君之象占曰凡五星守心皆為宮中亂賊群下有謀立天子者七月巳酉

有流星長丈餘入紫微經北辰第三星而滅占
曰有大喪九月丁酉火入軒轅十一月長星出
織女色正白彗之象也女主專制將由此始是
以天視由之長星彗之著易政之漸焉冬熒惑
入太微犯上將十二月遂守之占曰公侯謀上
且有斬臣六年正月乙未流星長丈餘自五
車抵紫宮而蕃乃滅天象若曰群臣或脩霸刑
而于蕃輔之任矣且占曰政亂有奇今四月太
白犯五諸侯占曰有專殺諸侯者五月癸卯上

崩于太華殿車騎大將軍乙渾矯詔殺尚書楊
寶年等于禁中戊申又害司徒平原王陸麗明
年皇太后定策誅之太后臨朝自馮氏始也或
曰心爲宋分是歲六月歲星晝見于南斗斗爲
天祿三分也天象若曰或以諸侯干君而代奪
之是冬宋明帝以皇弟踐阼孝武諸子舉兵攻
之四方響應尋皆伏誅有太白之刑與歲星之

祐焉

皇歲三月有流星西行不可勝數至明乃止至六月已
卯又有流星多西南行並衆而小庶人象也星之所首

人將從之及宋討孝武諸子大兵首自曰

長之而女書千石與魏所書

皇興元年正月戊子太白

也肅殺于之 為稼穡不登六月熒惑犯鬼占

曰旱饑疾疫金革用八月丁亥太白犯房占曰

霜雨失節馬牛多死九月甲寅熒惑犯上將太

白犯南斗第二星占曰貴人將相有誅者十一

月己酉太白又犯歲星或曰歲為諸侯太白主

兵刑之政再干之事洊也是歲九月州鎮十一

旱饑十月宋氏六王皆戮死明年宋師敗于呂

梁江南阻饑牛且大疫其後東平王道符擅殺

魏書志三

三十

副將及雍州刺史據長安及詔司空和其奴討

滅之九月詔賜六鎮孤貧布帛宋主以後宮服

御賜征北將士後歲夏旱河浚州鎮二十七皆

饑尋又天下大疫 元年六月太白犯左執法十月火又

北之占曰大臣有憂霸者之刑用是

歲六月月犯井十月又掩之皇興元年正月月犯井北轅第二

星八月又蝕之占曰貴人當之有將死水旱祥也道符作亂之

明年司空和其奴
太宰李峻皆薨
皇興元年四月太白犯鎮星占曰有攻城略地

之事六月壬寅太白犯鬼奏分也二年正月六
白犯熒惑占曰大兵起是時鎮南人將軍討元

征濟大將軍慕容白暉略定淮泗明年徐州羣盜作亂元又討平之後歲正月上黨王觀西征吐谷渾又大破之

二年九月癸卯火犯太微上將占曰上將誅先

是元年六月熒惑犯氐是歲十一月太白又犯

之是為內宮有憂逼之象占曰天子失其宮四

年十月誅濟南王慕容白暉明年上迫於太后

傳位太子是為孝文帝

宋志以為先是比年月頻犯左角占曰天子惡之及上遜位而

宋明帝亦殂

魏書志三

高祖延興元年十月庚子月入畢口畢魏分占

曰小人罔上大人易位國有拘主反臣十二月

辛卯火犯鈞鈴鈞鈴以統天駟火為內亂天象

若曰人君失馭或以亂政乘之矣乙巳鎮星犯

井天井者天下之平也而女君以子之是為后

竊刑柄占曰天下無主大人憂之有過賞之事

焉二年正月月

之占曰天下有

三年八月月犯

政又曰陰不制之象也是時

馮太后宣淫于朝昵近小人而附益之所費以鉅萬億計天子徒尸位而已二年九月河間王問虎皮以貪殘賜死其後司空東平郡王陸麗坐事廢爲兵旣而宮車晏駕

或曰月入畢口爲赦令二年正月曲赦京師及

素梁諸鎮星及月犯并皆爲水災且旱祥也是歲九月州鎮十一水旱詔免其田租開倉振乏

四年九月己卯月犯畢七月丙申太白犯歲星在角丁卯太白又入氐太白有母后之幾主兵喪之政以干君於外朝而及其宿宮是將有劫殺之虞矣二月癸丑月犯軒轅甲寅又犯歲星

嘉靖八年補刊

魏書志三

三三二

月爲彊大之臣爲主女之象始由后妃之府而干少陽之君示人主以戒敬之備也五年三月甲戌月掩填星天象若曰是又僻行不制而棄其紀綱矣且占曰貴人彊死天下亂三月癸未金火皆入羽林占曰臣欲賊主諸侯之兵盡發八月乙亥月掩畢十一月月入軒轅食第二星至承明元年四月月食尾五月己亥金火皆入軒轅庚子相逼同光皆后妃之謫也天若言曰母后之釁幾貫盈矣人君忘祖考之業慕匹夫

之孝其如宗祀何是時獻文不悟至六月暴崩
實有醜毒之禍焉由是言之皇天有以覩履霜
之萌而為之成象久矣其後文明皇太后崩孝
文皇帝方脩諒陰之儀篤孺子之慕音未能述
宣春秋之義而懲供人之黨是以胡氏循之卒
傾魏室豈不哀哉或曰太白犯歲於天門以臣
伐君之象金火同光又兵亂之徵時宋主昏狂
公侯近戚寃死相繼既而桂陽建平王並稱兵
內侮矢及宮闕僅乃戡之尋為左右楊玉夫等

魏志三

三三

所殺

或曰月犯歲鎮金火入軒轅皆僅祥也月掩畢主邊兵四年州鎮十三饑又比歲蝗旱太

和元年雲中又饑開倉賑之先是四年四月丙午有大星西流殷殷有聲十一月辛未又如之是歲五月宋桂陽王反于江州間歲沈攸之反于江陵皆為大兵西伐時以江南內攜又詔五將伐蜀

太和元年五月庚子太白犯熒惑在張南國之
次也占曰其國兵喪並興有軍大戰人主死壬
申水土合于翼皆入太微主今不行之象也占
曰女主持政大夫執綱國且內亂群臣相殺九
月丁亥太白晝見經天光色尤盛更姓之祥也
三正九月火犯鬼占曰主以淫泆失政相死之

三年三月月犯心心為天王又宋分三月填星逆行入太微留左掖門內占曰土守南宮必有破國易代逆行者事逆也自元年三月至二年六月月行五犯太微與劉氏篡晉同占又自元年八月至三年五月月行六犯南斗入魁中斗為大人壽命且吳分是時馮太后專政而宋將蕭道成亦擅威福之權方圖劉氏宋司徒袁粲起兵石頭沈攸之起兵江陵將誅之不剋皆為所殺三年四月竟篡其君而自立是為齊帝是

年五月又害宋君子丹陽宮

又元年十月月犯昴為刑獄事二年六月月犯

房占曰貴人有誅者或日月犯斗亦大臣之謫也其後李惠伏誅宜都長樂王並賜死又元年二月壬戌月在井暈參畢兩河五車占曰大放至八月大放天下三年正月壬子又暈參畢五車東井至十月大放天下

三年自五月至十二月月三入斗魁中四年五月庚戌七月己巳又如之六年二月又犯斗魁第二星占曰其國大人憂不出三年七月丁未十月丙申月再犯心大星自四年正月至六年二月又五千之斗為爵祿之柄心為布政之宮月行千而輔之亦以荐矣其占曰月犯心亂臣

在側有亡君之戒，人主以善事除殃，是時馮太后將危，少主者數矣。帝春秋方富而承事孝敬，動無違禮，故竟得元咎。至六年三月而齊主殂焉。或曰：月犯斗，其國兵憂心；又豫州也。時比歲連兵南討，五年二月大破齊師于淮陽，又擊齊下蔡，軍大敗之。

先是三年八月金犯軒轅，四年二月又犯軒轅，第二星六年正月又犯軒轅，大星八月又犯軒轅，左角左角右宗也。是時太后淫亂而幽后之姪弟又將薄德，天若言曰：是無周南之風，不足訓也。故月太白，驥于之

三年九月庚子太白犯左執法，十一月丙戌月犯之，四年二年辛巳月又犯之，九月壬戌太白

魏志三

三十五

又犯之，五年二月癸卯月犯太微西蕃，上將至六年十月乙酉熒惑又犯之。夫南宮執法所以糾淫忒成，肅雍而上將朝廷之輔也。天象若曰：王化將弛，淫風幾興，固不足以令天下矣。而廷臣莫之糾弼，安用之文明？太后雖獨厚幸臣而公卿坐受榮賜者，費亦巨億，蓋近乎素餐焉。其三年九月安樂王長樂下獄死，隴西王源賀薨，四年正月廣川王略薨，襄城王韓頽徙邊，十月頓丘王李鍾葵賜死。其後任城王雲、中山王叡

又薨比年死黜相繼蓋天譴存焉

四年春月又掩火亦大臣

死黜之祥也又比年月再犯昂亦為獄事與白衣之會也

五年九月辛巳填犯辰星于軫占曰為饑為肉

亂且有壅川溢水之變是歲京師大霖雨州鎮

十二饑至六年七月丙申又大流星起東壁光

明燭地尾長二丈餘東壁土功之政也是月發

卒五萬通靈丘道十月巳酉有流星入翼尾長

五丈餘七星中州之羽儀翼南國也天象若曰

將擇文明之士使于楚邦焉明年負外散騎常

嘉靖八年補刊一魏書志三

三十六

侍李彪使齊始通二國之好焉

四年正月丁未月在畢暈參井五車

赦祥也四月幸廷尉獄錄囚徒明年二月大赦是月月在翼有編日暈侵五車東井軒轅北河鬼至此斗紫垣攝提六年正月

癸亥月在畢暈參兩肩五車胃昂畢至甲戌天下大赦江南嗣君即位亦大赦改元

七年六月庚午辰時東北有流星一大如太白

北流破為三段十月巳亥星隕如虹是時太后

專朝且多外嬖雖天子由倚附之故有干明之

謫焉破而為三席勢者衆也昔春秋星隕如雨

而群陰起霸其後漢成帝時肝日晦冥衆星行

隕耀耀如雨而王氏之禍萌至是天妖復見又

與元后同符矣

十年八月辰時有星落如流火三道戊寅又有
流星出日西南一丈所西北流大如太白至午
西破為二段尾長五尺復分為二入雲間仍見
者事荐也後代其踵而行之以至於分崩離析
乎先是七年十月有客星大如斗在參東似字
占曰大臣有執主之命者且歲旱糴貴十年九
月熒惑犯歲星歲主農事火星以亂氣干之五
稼旱傷之象也占曰元陽以饑人不安自八年

魏書志三

三十一

至十一年黎人阻饑且仍歲災旱

八年正月辛巳
月在畢暈井歲

星紫參五車占曰有赦糴貴其年六月大赦冬州鎮十
五水旱人饑九年正月月在參暈紫參兩肩五車為大
赦為水戊申月犯井為水祥也是歲冀定數州大水人
有鬻男女者京師及州鎮十三水旱傷祿明年大赦

十一年三月丁亥火土合于南斗填為履霜變

漸斗為經始之謀而天視由之所以為大人之
戒也占曰其國內亂不可舉事用兵是時齊主
持諸侯王酷甚雖酒食之饋猶裁之有司故天
若言曰非所以保根固本以貽長代之謀也內
亂由是興焉五月丁酉太白經天晝見庚子遂

犯畢畢又邊兵也是歲蠕蠕寇邊明年齊將陳
達伐我南鄙陷澧陽間歲而齊君子子響為有
司所御遂憤怒而反伏誅及齊主殂而西昌侯
篡之高武子孫所在暴布皆拱手就戮亦齊君
自為之三焉十一年六月乙丑月犯斗丙寅遂犯建星亦圖
始之謀也十二年七月月犯牛十三年六月又
掩之明年八月又犯之牛主吳分占曰
國有憂大將戮亦江南兵饑之徵也

七月癸丑太白犯軒轅大星八月甲寅又犯之
比日女君之謫也天象若曰軒轅以母萬物由后
妃之等先人也是固多穢復將安用之其物類

魏書志三 三十八

之感又稼穡之不滋候也是歲年穀不登聽人
出關就食明年州鎮十五皆大饑詔開倉賑乏

問歲太后崩是歲月三入井金又犯之占曰陰陽不和不
為水患且大旱其後連年亢陽而兵中此歲

霖雨傷
稼也

十二年三月甲申歲星逆行入氏甲申皆齊分
也占曰諸侯王而升為天子者逆行者其事逆
也先是去年十月歲辰太白合于氏是謂驚而亡
絕行改立王公是歲四月月犯氏與歲同舍六
月丁巳月又入氏犯歲星月為彊大之臣志以為

少君也與歲同心內宮而干犯之彊宗擅命逼奪其君之象也再干之其事符至

十三年三月庚申月犯歲十五年六月又犯之歲星不在宿宮是為彊侯之譴江南太子賢王

相次薨歿既而齊武帝殂太孫幼冲西昌輔政竟殺二君而篡之月再犯于氏及逆行之效也

或曰月犯木饑祥也時比歲稼穡不登又十一年正月戊戌月犯左角十一月丙寅又如之七月金又犯左角角為外朝且兵政也占曰不出三年天下有兵主子死大君惡之至十四年有子響誅間歲而齊室亂

十二年四月癸丑月火金會于井辛酉金犯火

魏書志三

三十九

甲戌火水又俱入井皆雨暘失節萬物不成候

也且曰王業將易諸侯貴人多死是歲月行四

入氏十月辰星入之閏月丁丑火犯氏乙卯又

入之占曰大旱歲荒人且相食國易政君失官

遠期五年氏又女君之府也是歲兩雍及豫州

旱饑明年州鎮十五大饑至十四年太后崩時

江南北連歲災雨至十七年有劫殺之禍誅死

相踵焉是歲月三紀房十三年四月又犯之七月至十月再犯鍵閉占曰有亂區不

月至十四年八月月再犯牛又者十二年九月司徒

南王化堯十三年光州人王泰及弟
廢安豐王猛司空荀勗並堯十四年
京兆王廢
爲庶人

天象志一第三

魏書一百五

魏收書天象志第一卷載天及日變第二卷
載月變第三第四卷應載星變今此二卷天
日月星變編年惣繫魏及南朝禍咎蓋魏收
志第三第四卷亡後人取佗人所撰志補足

嘉靖九年補刻

魏志二

四

之魏澹書世已無本據目錄作西魏帝紀而
元善見司馬昌明劉裕蕭道成皆入列傳此
志主東魏而晉宋齊梁君皆稱帝號亦非魏
澹書明矣唐書經籍志有張太素魏書一百
卷故世人疑此二卷爲太素書志崇文惣目
有張太素魏書天文志二卷今亦亡矣惟昭
文館有史館舊本魏書志第三卷前題朝議
郎行著作郎脩國史張太素撰太素唐人故
諱世民等字

太和十二年十一月戊午太白犯歲又犯火喪疾之祥占曰國無兵憂則君有白衣之會景寅火又犯木占曰內無亂政則主有喪戚之故十二月壬寅太白犯填占曰金為喪祥后妃受之十三年二月熒惑犯填占曰火主凶亂女君應之皆文明太后之謫也先是十一年六月甲子歲星晝見十二月甲戌又晝見是歲六月又如之歲而麗于大明少君象也是時孝文有仁聖

魏書志四

一

之表而太后分權以干冒之及帝春秋方壯始將經緯禮俗財成國風故比年女君之謫屢見而歲星竊盛至于不可掩奪矣且占曰木晝見主有白衣之會是歲九月丙午有大流星自五車北入紫宮抵天極有聲如雷占曰天下大凶國有喪宮且空夫五車君之車府也天象若曰是將以喪事有千乘萬騎而舉者大有聲其事昭盛至十四年三月填星守哭泣占曰將以女君有哭泣之事四月丙申火犯鬼喪祥也六月

有大流星從紫宮出西行天象又曰人主將以喪事而出其宮八月月太白皆犯軒轅九月癸丑而太皇太后崩帝哭三日不絕聲勺飲不入口者七日納菅屨徒行至陵其反亦如之哀毀骨立柱而後起雖殊俗之萌矯然知感焉自九月至于歲終凡四謁陵又荐出紫宮之驗也四十年十一月月犯填星十二月月犯軒轅十五年十月月犯填星又犯軒轅八月又犯之九月月掩填星十七年正月月又犯軒轅皆女君之象也是時林貴人以故事薨及馮貴人為后而其婦請之至二十年音坐廢黜以憂死幽后繼立又以淫亂不終

十三年十二月戊戌填星辰星合于須女女齊

魏書志四

二

吳分占曰是為雍沮主今不行且有陰親者至十四年三月庚申歲星守牛占曰其君不愛親戚貴人多喪又饑祥也是歲太白三犯熒惑十月太白入氐十一月有大流星從南行入氐甲申齊邦之物也金火相鑠為兵喪為大人之謫天象若曰宿宮有兵喪之故盛大者循而殘之處其寢廟之中矣至十五年三月壬子歲犯填在虛三月癸巳木火土三星合宿于虛甲午火土相犯虛齊也占曰其國亂專政內外兵喪故

立侯至八月乙丑太白犯斗第四星戊子有大
流星起少微入南宮至帝坐主有盛大之臣乘
賢以侮其君者且占曰大人易政至十七年正
月戊辰金木合于危危亦齊也是爲人君且罹
兵喪之變四月戊子太白犯五諸侯占曰有擅
刑以殘賊諸侯者至七月齊武帝殂西昌侯以
從子干政竟殺二君而自立是爲齊明帝於是
高武諸子王侯數十人相次誅夷殆無遺育矣
雖繼體相循實有準命之禍故天譴仍見云自

魏志四

三

五年至十七年月行七犯建星建星爲忠臣之輔經代之謀又
吳之分也十五年再犯牽牛十六年至十七年又四犯南斗是
謂臣于天祿且曰大人多死者又十五年七月金入太微十七
年火入太微宮反臣之戒是歲月行四入太微十七年六入太
微比歲凡十千之而齊君
夷其宗室亦積刃心酷甚也

十五年四月癸亥熒惑入羽林十六年二月壬
子太白入羽林占曰天下兵起三月巳卯四月
丙午五月甲戌十月辛卯月行皆入羽林十七
年四月壬寅八月辛卯十二月辛巳又如之先
是陽平王頤統十二將軍騎士七万比討蠕蠕
是歲八月上勒兵三十餘万自將擊齊由是比

歲皆有事于南方十五年三月掩畢十一月又犯之十六年五月及七月月再入畢八月十一月又再犯之十七年八月又入畢畢為邊兵占曰貴人多死十五年六月濟陰王鬱賜死十七年南平王霄三老尉元皆死十八年安定王休死十九年司徒馬誕太師馮熙廣川王諧皆死

十七年二月庚戌火土合于室室星先王所以制宮廟也熒惑天視填為司空聚而謀之其相宅之兆也且緯曰人君不失善政則火土相扶卜洛之業庶幾興矣是歲九月上罷擊齊始大議遷都冬十月詔司空穆亮將作董邈繕洛陽宮室明年而徙都之於是更服色殊徽號文物

嘉靖十年補刊

魏志四

四

大備得南宮之應焉凡五星分野熒惑統朱鳥之宿而填以軒鼓寓之皆周鶉火之

分室又并州之分是為步自并州而經始洛邑之祥也

十七年二月丁丑太白犯井辛丑又犯鬼五月

戊午晝見九月又如之是謂兵祥雍州也是月

火木合于婁婁為徐州占曰其地有亂萬人不可

安八月辛巳熒惑入井占曰兵革起明年二月

詔征南將軍薛真度督四將山襄陽大將軍劉

昶出義陽徐州刺史元衍出鍾離平南將軍劉

薛山南鄭皆兩雍徐方之分後八年正月平南王

五木火合于掖門內是夕月行逮之三月丙午
木火俱出掖門外再合一相犯月行逮之后妃
預有咎焉明年四月宮車晏駕夫太微禮樂之
庭也時帝方脩禮儀正喪服以經人倫之化竟
未就而崩少君嗣立其事復寢縉紳先生感哀
慟焉故天視奉而修之是以徘徊南宮蓋皇天
有以著慎終歸厚之情或曰合于天庭南方有
反臣之戒是時齊明帝殂比及三年而亂兵四
交宮掖既而蕭衍戡之竟覆齊室云二十二年十一月有

魏志星

六

流星照地至天津而滅占曰將有樓船之攻人君以大衆行二
十二年而上南伐是歲之正月有流星大如三斗瓶起信公索東
北流光燭地經天格乃或有聲如雷天格天子先驅也占曰國
中貴人有死者且大赦至三月上南征不豫詔武衛所請洛
陽賜皇
不

世宗景明元年四月壬辰有大流星起軒轅左
角東南流色黃赤破為三段狀如連珠相隨至
翼左角后宗也占曰流星起軒轅女主後宮多
讒死者翼為天庭之羽儀王室之蕃衛彭城國
焉又占曰流星于翼貴人有憂擊是時彭城王

世宗自以懿親輔政世宗諒陰恭已而修

成王之業則高祖之道庶幾興焉而阿倚毋族
納高肇之譖明年彭城王竟廢後數年高氏又
鳩于后而以貴嬪代之由是小人道長讒亂之
風作矣夫天之風戒肇于履端之始而沒身不
悟以傷魏道豈不哀哉或曰軒轅主后土之養
氣而在祐下人也故左角謂之少人焉天象若
曰人將喪其所以致養幾至流亡離析矣是歲
北鎮及十七州大饉人多就食云是歲十二月
癸未暈太微
既而有白氣長一丈許南抵七星俄而月復暈北斗大角為君以兵自
衛又赦祥也且為立君之戒時蕭衍立少王於江陵改元大赦尋代金陵
嘉靖十年刊

魏志四

七

以長圍逼之又二年正月月暈并參甯昂五車占曰
貴人死大赦是歲廣陵王羽薨二月至秋再大赦

二年正月己未金火俱在奎光芒相掩為兵喪
為逆謀大人憂之野有破軍殺將奎徐方也三
月丁巳有流星起五諸侯入五車至天潢散絕
為三光明燭地五車所以輔衰替之君也流星
自五諸侯干之諸侯且霸而脩兵車之會分而
為二距之疑之君幾將並立焉魏收以為流星出五
車諸侯有反者至五
月咸陽王禧
謀反賜死戊午填星在井犯鉞相去二寸占曰
人君有戮死者時蕭衍起兵襄陽將討東昏之

亂是日推南康王寶融為帝踐阼于江陵於是齊有二君矣至八月戊午金火又合于翼楚分也十一月甲寅金水俱出西方占曰東方國大敗時蕭衍已舉夏口平尋陽遂公流而東東主之師連戰敗績於是長圍守之十二月齊將張稷斬東昏以降又戮主之徵至三年正月火犯房北星光芒相接癸巳填星逆行守井北轅西星皆大巨賊主更政立君之戒也三月金水合於須女女齊分金水合為兵誅二月丁酉有流

魏書卷四

八

星起東并流入紫宮至北極而滅東并雍州之分衍憑之以興且西君之分使星由之以抵辰極是為禫受之命且為大喪是月齊諸侯相次伏誅既而西君錫命衍受禫于建康是為梁武帝戊辰而少主殂自二年至三年六月掩犯斗魁七月火犯斗皆兵分也時江南北歲大饑又連兵北鄙負敗相迹又一年七月暈畢青外黃轅昂畢天船大陵卷古金船為徐魯又秋祥也且曰多死喪三月青齊月徐充餓死萬餘人七月大赦三年八月月暈外青內黃轅昂畢步胃五車占曰貴人多死十二月月犯昂環月太傅平陽王丕薨後年正月大赦三年八月丙戌有大流星起天中北流大如二

斗器占曰有天子之使出自中京以臨北方至
四年九月壬戌有大流星起五車東北流占曰
有兵將首于東北是歲二月辛亥三月丁未月
再掩太白皆大戰之象也庚辰揚州諸將大破
梁師于陰陵十一月左僕射源懷以便宜安撫
北邊明年二月又大破梁師于邵陵九月蠕蠕
犯邊復詔源懷擊之

是歲七月月暈昴畢觜參井五車占曰旱大赦又再暈軒轅大

徵明年正月月暈五車東井兩河鬼填星是月大赦改元六月以元陽詔撤樂減膳

正始元年正月戊辰流星如斗起相星入紫宮

抵北極而滅夫紫宮后妃之內政而由輔相干

之其道悖矣且占曰其象著大有非常之變至

二年六月癸丑有流星如五斗器起織女抵室

而滅占曰王后憂之有女子白衣之會往反營

室豐歸後庭焉三年正月己亥有大流星起天

市垣西貫紫蕃入北極市垣之西又公卿外朝

之理也占曰以臣犯主天下大凶明年高肇欲

其家擅寵乃鳩殺于后及皇子昌而立高嬪為

后 先是景明四年七月太白犯軒轅大星至二年六月木犯昴占曰人君有白衣之會同上

三年六月丙辰太白晝見占曰陰國之兵彊八月梁師寇邊攻陷城邑秋九月安東將軍邢巒大破之宿豫斬將三十餘人捕虜數万十月甲寅月犯太白又大戰之象明年中山王英敗績于淮南士卒死者十八九

又元年正月月暈胃昴畢五車戊午又暈五車東井兩河

鬼填星二月甲申又暈昴畢觜參三年正月月暈六微軒轅皆為兵救是月皇子生大赦天下

四年七月己卯有星孛于東北占曰是謂天譴大臣貴人有戮死者凡孛出東方必以晨乘日而見亂氣蔽君明之象也昔魯哀公十三年十

一月有星孛于東方明年春秋之事終是謂諸夏微弱蠻夷迤霸田氏專齊三族擅晉卒以干其君明而代奪之陵夷遂為戰國天下橫流矣今孛星又見與春秋之象同天戒若曰是居太陽之側而干其明者固多穢德可彗除矣而君不悟衰替之萌將繇此始乎是歲高竇嬖后及皇子明年又譖殺諸王天下寃之肇故東夷之俘而驟更先帝之法累構不測之禍干明孰甚焉魏氏之悖亂自此始也

永平元年三月戊申熒惑在東壁月行抵心相
距七寸光芒相及室壁四輔君之內宮人_三所
空_以衛其身也天家若曰且有重_六之臣屏藩
王_至者將以護賊之亂死於內宮又曰諸侯相
謀五月癸未填星逆行太微在左執法西是為
后當_害齊政大夫執綱而逆行侮法以啓_肅靈_四之
內是月月犯畢六月又掩之占曰貴人有死者
庚辰太白歲星合于柳柳為周分且占曰有內
兵以賊諸侯八月京兆王倫出為冀州刺史恐

不見容遂舉兵反以誅尚書百令高肇為名與安
樂王詮相攻于定州九月十八師彭城王勳死于禁

中愉亦死之

或曰柳豫州分所合之野謀兵有戰野拔邑
事至十一月丙子流星起羽林南大如椀色

赤有黑雲東南引如一匹布橫北轅星占曰禁兵起所首召之
是歲豫州人白早生殺刺史司馬悅以城降梁遣尚書邢

之十二月壽拔
懸勢斬早生

二年三月丁未有流星徑數寸起自天紀_三于于
市垣光芒燭地有尾跡長_八餘疑著天天象_亦若
曰政失其紀而亂加乎人_三以萌矣是將以地
重_公為_觀地震者下土不安之應也是月火入鬼

距積尸五寸積尸人之精爽而炎氣加之疫祥也四月乙丑金入鬼去積尸一寸又以兵氣干之彊死之祥也踰逼者事甚鬼主驕亢之戒故金火荐災其人以警言而懼之五月太白犯歲光芒相觸占曰兵大亂歲饑不出三年七月庚辰有流星起騰虵入紫宮抵比極而滅天戒若曰彼光後王道者疑以馭陰陽之變矣將有水旱之沴地震之祥而後災加自王極焉明年夏四月平陽郡大疫死者幾三千人平陽鬼星之分也

魏書志四

十二

秋州郡二十大水冀定旱饑四年胸山之役喪師殆盡其後繁時桑乾靈丘秀容鴈門地震陷裂山崩泉涌殺八千餘人延昌三年詔曰比歲山鳴地震于今不已朕甚懼懼焉至正月宮車晏

駕

七年十一月丙戌月淹畢火旱至三年八月火犯積尸占曰貴人死又饑疫祥也比年水旱災疫是月中山王略薨

明年春司徒廣陽王嘉薨

二年九月甲申歲星入太微距右執法五寸光明相及十二月乙酉逆行入太微掩左執法三年閏月壬申又順行犯之相去一寸保乾圖曰

臣竊聞命歲星犯執法是時高肇方為尚書令故
歲星反復由之以示人主也天若言曰政刑
之命亂矣彼居里華之位者盍將反復而觀省
焉今雖厚而席之適所以為禍資耳且占曰中
坐成刑遠期五年間五歲而肇誅四年四月庚午
言變感犯軒轅大
星至五月入太微距七執法三十光並相接變感天視也始由
軒轅而省執法之位廿六象若曰是居后黨而擅南宮之命君其
降監焉其應
與歲星同也

四年十二月戊戌有流星起張西南行殷殷有聲
入參而滅張河南之分參為兵事占曰流星自

魏書志四

十三

東方來至伐而止有來兵大敗吾軍有聲者怒
也先是去年十一月月犯太白是歲又犯之在
胃八月辛酉又犯之胃為徐方大戰之象也十
月戊寅有大流星孛于羽林南流色赤珠落下
入濁氣孛然而流王師潰亂之兆先是梁胸山
鎮殺其將來降詔徐州刺史盧昶援之十二月
昶軍大敗於淮南淪獲十有餘万是歲七月乙巳
有流星起北斗

魁前西北流入紫宮至北極而滅占曰不出其年
兵起且亡君威是歲有胸山之役聞歲而帝崩

四年十二月己巳歲星犯房上相相距一寸光

至相及至延昌元年三月丙申歲星在鈞餘東
五寸距鍵閉三寸丙午又掩房上相天象若曰
天鈐鍵之嚮君上所宜獨操非驂服所當共也
先是高肇為尚書令而歲星三省執法是歲至
外為司徒猶怏怏不悅而歲星又再循之所以
示人主審矣閉二歲而上崩肇亦誅滅或曰不與
房合主喪
水又元年二月日暈非鬼軒轅十月又二月井五車參畢皆水旱
饑敝之甚自元年二月下雨至六月雨大水二年四月庚子出
緡十五萬匹既河南無人是夏州郡十二大水八州天下殊死
二年四月度午熒惑犯軒轅大星十月壬申月

漢書卷之四

十四

失行犯軒轅大星至延昌元年三月填星在氏
守之九十餘日占曰有德令拜太子女王不居
宮至十月立皇太子賜為父後者爵旌孝友之
家至二年三月乙丑填星守房占曰女主有黜
者以地震為變地震者陰盈而失其性也四月
丙申月掩填星七月戊午又如之是為后妃有
相遷奪者且女主死之時比歲地震至三年
八月太白又如軒轅十二月月掩熒惑比小君
之譴也時高宗席寵凶悍雖人主猶畏之六敢

動搖故世宗胤嗣幾絕明年上崩后廢為尼降
居瑤光寺尋為胡氏所害以厭天變也

延昌元年八月己未有流星起五車西南流入
畢畢邊兵也占曰有兵車之事以所直名之至
二年十一月戊午又有流星起五車西南流殷
殷有聲憑怒者事盛也十二月己卯有流星西
南流分而為二又偏師之象也至三年六月辛
巳太白晝見占曰西兵大起有王者之喪十一
月大將軍高肇伐蜀益州刺史傅豎眼出北巴

嘉靖八年補元魏書三十四

十五

平南羊祉出涪安西奚康生出綿竹撫軍甄琛

出劔閣會帝崩旋師先是元年三月己酉木土相犯

曰先作事者敗兵起必受其殃三年九月太白掩右執法是為

大將軍有罹刑辟者先是二年二月梁都州人徐玄明斬大將
張稷來降及肇
出征退亦就戮

元年三月乙未有流星起太陽守歷北斗入紫
宮抵北極至華蓋而滅太陽守所以弼承帝車
大臣之象今使星由之以語天極之位臣執國
命將由此始乎且占曰天下太凶主室其空先
是去年八月至十月月再入太微是歲三月又

如之十二月甲戌月犯火于太微占曰君死
出三年貴人奪權失勢二年三月辛酉熒惑又
犯太微占曰天下不安有立君之戒九月丁卯
入太微犯屏星明年正月而世宗崩於是王室
遂卑政在公輔三年二月月暈畢昴五車太白東井占主
赦是月太白失行在天關北占有關梁之
兵道不通明年正月肅宗立大赦天
下二月梁將任太洪帥眾寇關城

四年五月庚戌九月乙丑十月癸巳月皆犯太
微中歲而驟于之彊臣不御執法多門之象也
閏月戊午月犯軒轅又女主之謫十一月庚寅

魏書志四

十六

木火會土室相距一尺至甲午火徙居東北亦
相距一尺室為後宮火與木合曰內亂環而營
之或淫事干逼諸侯之象占曰姦臣謀大將戮
若有夷族之害以赦令除之先是三年九月太
白犯執法是歲八月領軍于忠擅戮僕射郭祚
九月太后臨朝淫放日甚至逼幸清河王懌其
後羽林千餘人焚征西將軍張彝宅辜死者百
數朝廷不能討於是大赦原羽林亦營室之故

魏收以為月犯太微大臣有死者其後安定王薨月犯軒
轅女主憂之其後皇太后高尼崩于嵩山光寺營室又主土

功也胡太后害高氏以厭天變乃以后禮葬之

四年十月太白犯南斗斗為兵分占曰大兵起先是三年四月有流星起天津東南流轉虛危天津主水事且曰有大衆之行其後梁造浮山堰以害淮泗諸將攻之是歲閏月有大彗星起一星南流色正赤光明燭地尾長丈餘歷南河至東井七星河南之分也流星出之有兵起施及東井將以水禍終之又占曰所與城等疑是時鎮南崔亮攻梁師于碭石明年二月鎮東蕭寶夤大破梁淮北軍九月淮堰決梁人十餘萬口皆漂入海

魏志四

十七

肅宗熙平元年三月丙子太白犯歲星十二月甲辰月犯歲星是謂彊盛之陰而陵少陽之君歲又諸侯也天象若曰始由內亂干之終以威刑及之是歲正月熒惑犯房四月庚子又逆行犯之癸卯月又犯房占曰天下有喪諸侯起霜將相戮十一月大流星起織女東南流長且三丈光明照地占曰王后憂之有女子白衣之會

歷歲高太后殂司徒國珍薨中宮再有喪事其
後僕射于忠司徒任城王澄薨既而太后幽逼
清河中山王戮死或曰月太白犯歲星饑也火犯房陳
兵滿野有饑國且大赦又元午十二月
日軍井甯參五車占曰水旱有赦至二正月大赦十月幽薨
滄上瀛大饑是月月再暈畢參五車占曰饑赦明年幽州大饑死
者數千人自正月不雨至六月是
歲四夷反叛兵大出又赫改元

二年六月癸丑有大流星出河鼓東南流至牛
十一月流星起河鼓色黃赤西南流長且三丈
有光照地至神龜元年四月壬子有流星起河
鼓西北流至北斗散滅河鼓鼓旗之應也故流

魏書志四

十八

星出之兵出入之兵入昔宋秦始初大流星出
自河鼓西南行竟夜有小星百數從之既而諸
侯同時作亂至是三出河鼓秦州屬國羌及南
秦京益氏皆反七月河州人却纘忽與群盜又
起自稱水池王詔行臺源子恭及諸將四出征
之朝 故天應屢見云

神龜二年四月甲戌大流星起天市垣西東南
流轆尾光明燭地天象若曰將作大衆而從后
妃之事矣以所首名之是歲九月太后幸崧高

或曰市垣所以均國風尾幽州也明年詔尚書
長孫稚撫巡北蕃觀省風俗

二月丙辰月在參量井
紫參處星五車占曰有

死相且赦明年諸
王多伏辜又大赦

二年八月己亥太白犯軒轅是月月又犯之至
正光元年正月月又犯軒轅大星四月庚戌金
火合于井相去一尺占曰王業易君失政大臣
首亂將相戮死以用師大敗五月丙午太白犯
月相距三寸占曰將相相攻秦國有戰七月太
白犯角角天門也是為兵及朝廷占曰有謀不

魏書志四

十九

成破軍斬將是月侍中元義矯詔幽太后于北
宮殺太傅清河王懌八月中山王熙起兵誅元
義不克遇害明春衛將軍奚康生謀討义于禁
中事泄又死是冬諸將伐氏官軍敗績

正光元年九月辛巳有彗星光爛如火出于東
方陰動爭明之異也感精符曰天下以兵相威
以勢相乘至威疑亂起布衣從衡禍未庸息帝
宮其空晉曰正始中天讒孛于東北是歲而攝提
復周故天象家若曰夫讒之亂萌有自來矣彗除

之象今則著矣戰國之禍將由此作乎間三年而北鎮肇亂關中迹之自是姦雄鼎沸覆軍相踵其災之所及且二十餘年而猶未弭焉梁志曰九月乙亥有星晨見東方光如火占曰一國皇見有內難急兵明年我州及乙亥去辛巳凡六日而北方觀之其氣蓋同矣始于其明以妖南國既又甚而布之以除穢邪

二年四月甲辰火土相犯於危十一月辛亥金土又相犯于危危存亡之機太白司兵災惑司亂而玄枵司人土下之所係命也三精游聚群臣叶謀以濟屯復之運焉占曰天下方亂甲兵

魏書志四

二十一

大起王后專制有虛國徙王至四年四月己未火土又相犯于室是謂後宮內亂且占曰欲殺主天子不以壽終或曰魏氏軒轅之裔填星之物也赤靈為母白靈為子經綸建國之命所以傳撥亂之君也其受之者將在并州與有齊之國乎其後太后淫昏天下大壞上春秋方壯誅諸佞臣由是鄭儼等竦懼遂說太后鳩帝既而介朱氏興于并州終啓齊室之運卜洛之業遂

丘墟矣

二年十月月掩心大星至三年正月月掩心距星四月丁丑又知之占曰亂臣在洛陽

五十年

歲而肅

宗崩

三年七月庚申有大流星如五斗器起王良東北流長一丈許王良主車騎且曰有軍涉河昭威者事大是日月在昴北三寸十一月乙卯又如之是謂兵加匈奴且胡王之謫也先是蠕蠕阿那環失國詔北鎮師納之是歲八月蠕蠕後主來奔懷朔鎮閒歲阿那環背約犯塞詔尚書令李崇率騎十萬討之出塞三千餘里不及而

還 二年九月庚戌月暈胃昴畢至車辛亥又暈之占曰 國字有赦至三年九月月在畢軍昴畢紫角參五車是歲

魏書志四

三

紅字名

夏大旱十 二月大赦

三年二月丁卯月掩太白京師不見涼州以聞占曰天下大兵起涼州獨見災在秦也三月癸卯有大流星起西北角流入紫宮破為三段光明照地角星主外朝兵政流星由之將大出師之象若曰將以兵革之故王室分崩入抵紫宮天下大凶有虛國之象四月癸酉有大奔星歷紫微入北斗東北首光明燭地殷然如雷盛怒之象也皆以所直名之至四年八月乙亥月在

星掩熒惑又邊城兵亂之戒也十月乙卯太白入斗口距第四星三寸光芒相掩占曰大兵起將戮辱又吳分也五年正月沃野鎮人破落汗拔陵反臨淮王彧征之敗績于五原六月莫折大提反於秦雍州刺史元志討之又大敗於隴東明年南方諸將頻破梁師至八月杜洛周起上谷其後鮮于脩禮反定州王師比歲北征冀方六震既而葛榮承之竟陷河北

五年二月日在參宿畢參五車

庚午熒惑八月又暈之閏月月月在張翼再暈軒轅大微占曰兵樹士卒多逃走一曰士卒大聚又皆吉祥也是時徵調驟起兵

魏書志四

三三

相臨星宿又有詔內外戒嚴將親征自一月至六月再大赦天下十月月在畢暈昂畢觜參後年春又大赦

先是二年九月歲星犯左執法至三年正月癸丑又逆行犯之相去四寸光芒相及五月丙辰歲星又掩左執法是時官者劉騰與元又叶謀遂摠百揆之任故歲星反復由之與高肇同占至四月二月騰死又由是失援其年十一月庚戌歲星犯房上相相距二寸光芒相掩五年四月己丑歲星又逆行犯之明年皇太后反政又遂廢黜高肇為尚書令而歲星三省之及升于上相

歲星亦再循之至昴三犯執法而騰死再于上相而又敗曠宮之譴異代同符矣

孝昌元年五月太白犯軒轅八月在張角盛大占曰有暴酷之兵張河南也十二月火入鬼又犯之占曰大賊在大人之側后以淫泆失政又秦分也二年正月癸卯金木相犯於牛十一月戊申又相犯于女歲所以建國均人女爲蠶妾牛爲農夫天象若曰是將羅以寇戎而喪其耕織之務矣且曰有亂兵大戰而波及齊吳是歲

八月甲申月在胃掩鎮星閏月癸酉又掩之三年正月戊辰又掩之是爲女君有羅兵刑之禍者洵干之事甚而衆也又占曰天下大喪无主貴人兵死國以滅亡又二年三月奔星大如斗出紫微東北流光照地占曰王師大出邦去其君六月有奔星如斗起大角入紫宮而滅棟星以肆觀群后而敷威令于四方也今大號由之以詔天極不以逆乎且有空國徙王之戒焉十月有星入月中而滅占曰入而無光其國卒滅

星反出者亡國復立是歲四月至三年九月熒惑再犯軒轅大星武泰元年正月又逆行

之占曰主命將失女君之象亂逆之災三月庚申月掩畢大星占曰邊兵起貴人多死者是時

淫風滋甚王政盡弛自大河而北極關而西覆軍屠邑不可勝計既而蕭寶夤叛于雍州梁師

驟伐淮泗連兵責士百姓嗷嗷喪其樂生之志矣是歲二月帝竟以暴崩四月尔朱榮以大兵

濟河執太后及幼主沈諸中流害王公以下二千遂專權晉陽以令天下焉

三年正月癸酉月在井
暈蒼參兩河上車七月

大赦明年少
主立又大赦

莊帝永安元年七月癸亥太白犯左角相距四

寸光芒相掩兵及朝庭之象占曰大戰不勝貴

人有來者其謀不成至二年閏月熒惑入鬼犯

積尸占曰兵起西北有鈇鉞之誅是歲北海王

顥以梁師陷考城執濟陽王暉業乘虛逐勝遂

入洛陽至七月王師大敗之顥竟戮死有謀不

成之驗明年尔朱大光擊反虜万俟醜奴及蕭

寶寅于安定克之咸伏誅

二年十一月熒惑自鬼入太微西掖門犯上將
出東掖門犯上相東行累日句巳去來復逆行
而西十二月乙丑月又掩之至三年正月癸未
逆行入東掖門巳丑月入太微襲熒惑辛卯月
行太微中又暈之三月巳卯在右執法北一尺
五寸留十四日至壬辰月又掩之復順行而東
四月戊午月又干太微而暈巳未熒惑出端門
在左執法南尺餘而東自魏興以來未有循環

嘉祥二年補刊

魏志四

二十五

反復若此之荐也是時孝莊將誅權臣有興復
魏室之志是以誠發於中而熒惑咨謀於上焉
其占曰有權臣之戮有大兵之亂貴人以彊死
而天下滅亡至五月巳亥太白在參晝見參爲
晉陽之墟天意若曰干明之彗於是乎在矣七
月甲午有彗星晨見東北方在中台東一丈長
六尺色正白東北行西南指丁酉距下台上星
西北一尺而晨伏庚子夕見西北方長尺東南
指漸移入氏至八月巳土个漸見癸亥滅占曰彗

出太階有陰謀姦究與凡天事爲之徵形以戒告人主始滌公輔之穢而彗除之權臣將滅之象再于太陽之明而後陵奪之逆亂復興之象也三月而見者變近亟也究于內宮者反仇其上也近期在衝遠期一年先是二月壬申有大流星相隨西北尾迹不絕以千計西北直晉陽之墟而微星庶人所以載皇極也人徙而君從之是月戊戌有大奔星自極東貫紫宮而出影迹隨之遷君之應至九月上誅太原王榮上黨

王天穆于明光殿是夕介朱氏黨攻西陽門不克退屯河陰十二月洛陽失守帝崩于晉陽自是南宮板蕩劫殺之禍相踵先是永安元年七月丙子十一月丙寅十二月癸巳月皆掩畢大星至二年三月乙卯月入畢口八月乙丑又距畢左股二寸光芒相掩湏臾入畢口十二月丙辰掩畢右股大星三年六月乙巳又犯畢大星八月庚申入畢口犯左股大星是月辛丑太白犯軒轅明年五月月又犯畢右股遂入之畢星

所以建魏國之命也占曰天下有變其君大憂
邊兵起上將戮月存干之事甚而衆及尔朱兆
作亂奉長廣王為主号年建明明年二月又廢
之而立節閔六月高歡又推安定王爲帝於信
都復黜之後更立武帝於是三少王相次崩殂
又洛陽再陷六宮汙辱有兵及軒轅之效焉永安
二年十月辛亥十二月丁巳月皆在畢暈昴畢七填星觜參五車
普泰元年正月己丑月在角暈軫角五車亢連環暈北斗大角
織女十月又暈昴畢觜參井五
車是時肆赦之令歲月相踵

節閔普泰元年五月辛未太白出西方與月並
間容一指戰祥也先是去年十一月辛丑月在
太白北不容一指占曰有破軍殺將主人不勝
既而尔朱氏南侵王師敗績至是又與月合幾
將復之乎十月甲寅金火歲土聚于觜參甚明
大晉魏之墟也且曰兵喪並起霸君興焉是時
渤海王歡起兵信都改元中興至十一月己卯
奔星如斗起太微東北流光明燭地有聲如雷
占曰大臣有外事以所首事命之或曰中國失
君有立王遷主著而有聲者盛怒也是時尔朱

氏成師北伐明年三月癸巳火逆行犯氏占曰
天子失其官閏月庚申歲星入鬼犯天尸占曰
有戮死之君既而介朱兆等大敗于韓陵覆師
十餘万四月武帝即位比及歲終凡殺三廢帝
孝武永熙元年九月太白經天十一月辛丑有
大流星出昴北東南流轆畢貫參光明照地有
聲如雷天象若曰將有髡頭之兵馮陵塞垣與
大司馬合戰明年正月丁酉渤海王歡追擊兆
等于赤洪嶺大破之介朱氏殲焉

二年四月太白晝見九月丁酉火木合于翼相
去一寸光芒相掩占曰是謂內亂姦臣謀人主
憂甲寅金火合于軫相去七寸光芒相及占曰
是謂相讎不可舉事用兵翼軫南宮之蕃又荆
州也至三年三月癸巳有奔星如三斛瓦起匏
瓜西流入市垣有光燭地迸流如珠尾跡數丈
廣且三尺凝著天狀如蒼白雲須臾屈曲蛇行
匏瓜爲陰謀星大如瓠爲發謀舉事光盛且大
人貴而衆也以所首名之且爲天飾王者更均

封疆是時斛斯椿等方說上伐高歡荆州刺史
賀拔岳謀焉高歡知之亦以晉陽之甲來赴
七月上自將十餘萬次河橋望歡軍憚之不敢
戰遂西去長安至十月渤海王更奉孝靜為主
改元天平由是分為二國更均封疆之應也是

日歡命侯景攻荊州拔之勝南奔

是年三月庚子
木逆行在左執

選北一寸光甚相掩五月甲申又在執法西半寸乍見乍不見
臣擅命改政更元十二月上崩由是高歡宇文泰擅權
兩國又二年十一月乙丑二年八月庚午十二月庚申月皆在
三十五年五月己亥然人惑逆行掩南斗魁第二星遂

入斗口先是元年十一月熒惑入斗十餘日出
而逆行復入之六十日乃去斗大人之事也占
曰中國大亂道路不通天下皆更元易政吳越
之君絕嗣是歲東西帝皆割據山河遂為戰國比
十月至正月梁魏三帝皆大赦改元或曰斗為
壽命之養而火以亂氣干之老荒之戒也是時
梁武帝年已七十矣怠於聽政專以講學為業
故皇天殷勤著戒又若之言曰經遠之謀皆矣將
以并亂終之而勤其天祿焉夫天懸而示之且

猶不悟其後攝提復周卒有侯景之亂云三十二

元皇人立元慶和為魏三屯平顯明中正月東南行臺元晏大破之六月豫州刺史堯雄又大破梁師於南頓七月梁攻華父徐州刺史任祥又大破之斬虜萬餘級十一月柳仲禮寇荆湘諸將又大敗之時梁軍政益弛故累有負敗之應

東魏孝靜天平二年有星孛于大微歷下台及室辟而滅南宮成周之墟孝文之餘烈也孛星由之易政徙王之戒天象若曰王城為墟夏聲幾變而台階持政有代奪之漸乎且抵于營室更都之象也是後兩霸專權皆以北俗從事河南新邑遂為戰爭之郊間三歲至興和元年九

魏書志四

三十

月發司州卒十萬營鄴都十月新宮成天平元年閏月月掩心大

星二年八月又犯之相去七寸十一月又掩心小星相亞逼主之象且占曰人臣伐主應以善事除殃時兩雄王業已定持以人臣取容而已至興和二年八月月又犯心大星後數年而禪代

元象二年七月壬戌金土合于七星癸亥遂犯七星七星河南之分金而犯土將有封畿之戰且占曰其分土地先是去年十二月癸丑太白食月是歲三月壬申太白又與月合相距一寸大戰之祥也月象疆大之國而金合之秦師將勝焉十二月有流星從天市垣西流長且一丈

有彗三年正月渤海王歡攻夏州克之十月
丁丑月犯火占曰大將有關死者十二月大都
督竇泰入潼關明年宇文泰距擊斬之十月遂
及渤海王歡戰于沙苑歡軍敗績捕虜萬餘具
月獨孤信拔洛陽

三年十一月熒惑犯歲星占曰有內亂臣謀王
至四年正月客星出于紫宮占曰國有大變二
月壬申八月癸未月再掩五車東南星占曰兵
起道不通十一月太白晝見占曰軍興為不臣

五年二月庚戌三月甲子填星逆順行再犯上
相上相司徒也六月太白入東井占曰秦有兵
大臣當之至元象元年七月太白在柳晝見柳
河南也八月辛卯有大流星出房心北東南行
長且三尺尾迹分為三段軍破為三之象也先
是行臺侯景司徒高昂圍金墉西帝及宇文泰
自將救之是月陳于河陰泰以中軍合戰大克
司徒高昂死之既而左右軍不利西師由是敗
績斬將二十餘人降卒六萬是月西帝大傳梁

景帝據長安反關中大震尋皆伏誅

天平三年正月元象元年

三月月再掩軒轅大星是年西帝廢皇后乙氏立嬪嬪女為

明年五月火犯軒轅大星既而乙氏遇害其後嬪嬪后又死

乙氏為崇焉元象元年十月月犯昂畢胃丁未在翼暈大星

軒轅五角十一月在井暈五車兩咸東西主凡三大赦

興和元年二月壬子火犯井口曰秦有兵亂貴

人當之四月又入鬼亦兵喪之祥也又土地之

分也至二年十一月甲戌太白在氐與填星相

犯氐鄭地也至四年七月壬午火木合于井相

去一尺占同天平明年北豫州刺史高仲密據

武牢西叛宇文泰帥眾援之戊申及渤海王戰

于邙山西軍大見虜王侯將校四百餘人獲六

萬餘級

元年八月月在畢暈昂畢嘴五車二年正月大赦三

暈軒轅太微壬申入暈胃昂畢五車皆兵饑故祥也明年東西

三皆大赦後年三月高歡入朝以春冬亢旱請賑窮乏死罪已

下皆先是元年十月辛丑有彗星出于南斗長丈

餘至十一月丙戌距太白三尺長丈餘東南指

二月乙卯至婁始滅占曰彗出南斗之士皆誅

其上疑又吳分始自微末終成著大而與兵星

又徐方之次亂之所自招也至二年四月己丑
金木相犯于奎丙午火木又相犯于奎奎為徐
方所以虞蹶防之寇也歲主建國之命而省人
君之差敗火主亂金主兵二精游而聚謀所以
哀矜下土而示驅除之戒也是時梁主衰老太
子賢明而不能授之以政焉由是領軍朱异等
浸侵明福之權至武定五年侯景竊河南六州
而叛又與連衡而附益之是歲十二月梁師敗
績于彭城捕虜五方餘級江淮之間始蕭然愁

歎矣明年師大敗陷溺以十方數景遂輿而濟
江三吳大荒道殣流離者大半淮表二十六州
咸內屬焉昔三精聚謀於危九年而高氏霸至
是聚謀於奎而蕭氏亡亦天之大數云爾

武定二年四月丁巳熒惑犯南宮上將戊寅又
犯右執法占曰中坐成刑金火尤甚四年四月
庚午金晝見六月癸巳月入畢九月壬寅太白
在左執法東南三十許是為執法事五年正月
月犯畢大星貴人之謫也先是九月大丞相歡

園玉壁不克是月歡薨于百陽辛亥侯景反僕

射慕容紹宗擊之八月淮南三王謀反誅明年

紹宗攻王思政于潁川音溺四年九月月在翼軫軒轅
大微帝坐五年二月軍日

畢參并五車五月在張又翼軫軒轅
大微時兵革屢動東西帝皆比歲大崩

七年九月戊午月掩歲星在斗斗為天廟帝王

壽命之期月由之以千歲星是為大人有篡殺

死亡之禍是歲梁武帝以憂逼殂明年而齊帝

後年西主文帝及梁簡文又終天下皆有大故

而江表尤甚八月三月甲午歲鎮太白在虛虛

魏書志四

三十四

齊分是為驚立絕行改立王公熒惑又從而入

之四星聚焉五月丙寅帝禪位于齊是歲西主

入統十六年也是時兩主立而東帝得全魏之

墟於天官為正昔宋武北伐四星聚奎及西伐

秦四星聚井四星聚參而渤海始霸四星聚危

而文宣受終由是言之帝王之業其有徵矣其

後六年西帝禪于周室天文史失其傳也

